

四庫未收書輯刊編纂委員會編

四庫未收書輯刊

北京出版社

陸輯·拾冊

四庫未收書輯刊

四庫未收書輯刊編纂委員會編

北京出版社

〔清〕劉應麟撰

南漢春秋十三卷

清道光七年含章書屋刻本

陸輯・拾冊目錄

南漢春秋十三卷〔清〕劉應麟撰

一

新斲注地里志十六卷〔清〕錢坫撰 徐松集釋

一一三

逍遙山萬壽宮志二十二卷〔清〕金桂馨 漆逢源撰

三八九

水經注圖一卷附錄一卷〔清〕汪士鐸撰

七一三

〔清〕劉應麟撰

南漢春秋十三卷

清道光七年含章書屋刻本

道光七年新鐫

南漢春秋

含章書屋藏板

叙

廣雅
古史

將埒綜羣言以得一代之多
別其文之高下常與女子
相因古來作者自正史而外
源體不一類有因休偉績
嘉詞壯觀為積胸中而

李叙

刪述一帛雅潔然後其
與史文皆不亦磨滅然偏
安之類遺事闕畧求其
震燥可目者本自其
後之載筆在經羅故史之
不暇何暇言史哉哉世之

史每不登大雅之堂職是故
也吾粵為南漢之地而紀載
未見專書余嘗以為恨業而
寅丁卯之越華漢席及
門劉生名浣好古三詩遂
南漢多甚素余因心美之

李叙

二

他分出史尊甫玉書先生
南漢春秋一書於余余
始知生之學為有自而先生
之於史學也深也是書蓋
昉於吳氏十國春秋而生
平足跡以經史覽所及乃

專為南漢一代史其終始其
用心勤矣夫南漢至其越如
百載能以史子系之於古者
甚鮮舉之於今而又能舉之
於古者為尤鮮至於纂言紀
事簡而能賅勸策一編藏之

李叙

三

名山志前此所未有也先生以詩
人著書揔以騷之為念發
桑梓之幽光史大者竊勸
誠之義補文誌之遺其小者
一亦一石二觴一涖必指其實
是今漢書廢卷流連不能

自已是女立言之工雖未及於
古人何必與能不失作者之
意而此書世卒亦標新者
比也余將入者亟勸付梓以
備載記之一種且為弁其
語於首為成書之例以懷

李叙

四

古之情先生自序已詳言
之茲不復云

嘉慶丁卯冬秋月程鄉李黼平
於首拜題



自叙

嶺南於三代時為南漢
竊據半城垣丑離間別
苑臺榭園林址蹟暇日
登覽之餘憑高吊古同
輩每以其事徵佚冊籍
捃撫滋艱為恨蓋古人

作史於正統為特詳其
偏霸之國人物事實多
略而不備故歐陽五代
史附十國並家於末其
間叙事雖稱簡潔狀頗
多遺漏仁蘇吳任臣誤

十國春秋曰補之於是
人物列傳遂瞭狀可觀
至古蹟事跡只叙一二
仍不全載蓋不以纖瑣
見長也余自乙卯遊幕
歸來家居羈事不揣孤

自叙

二

陋取南漢人物事實古
蹟而編緝之網羅典籍
爰並四卷名曰南漢春
秋為屯家為本紀為列
傳為紀元為地理及
藝文古蹟事跡條分縷

睂然後南漢之得失盛
衰遺風賸址夫亦可蓋
覽而攷覈不至無稽矣
計閱皆五載所採羣書
不下數百種斷不敢臆
說杜撰率亦無徵為同

自叙

三

輩指播其中瑣事纖語
不忍遽棄皆復錄載以
資見聞雖狀廣搜之心
期在無遺而螭猊之譏
恐所不免嗜痂覆瓿悉
聽同人余何能置辨焉

五書劉應麟自叙



自叙

四

凡例

一是編本紀世家中稱帝稱王者辭從主人之義也其
他國則稱某主某王者則重內而略外也至於唐宋
獨稱帝以異之此則春秋尊王朝大居正之義焉

一是編本紀世家中師曰我師官曰我某官茲就本國
而稱如史記田齊世家云魯伐我入陽關晉伐我至
博陵趙世家云秦拔我榆次蘇轍古史云嬰齊伐鄭
樂書救鄭遇於繞角我師還南史宋高祖傳鞏縣人
宗曜於其田所獲嘉禾九穗同並帝以獻晉帝以歸
南漢春秋
卷之一 凡例
於我帝冲讓乃止古人書法原有此例處此可釋後
人稱前代爲我之嫌矣

一是編本紀世家先書名繼書王繼稱帝蓋竊取馬令
南唐書之義至古蹟事蹟中閒有稱後主爲降王者
此後人述前代之史與臣子執筆者較殊也

一是編帝稱本紀王稱世家蓋依古史家體也故烈宗
尊謚則從後日而叙事猶號世家所以紀其實而不
敢亂焉

一改元易號閒有傳聞異辭是編所紀年號多取證於

碑文墓銘蓋金石遺文往往足糾前史譌謬故卷中
多錄廟碑塔文墓誌以佐史書闕漏而考覈不至無
稽云

一是編列傳首后妃次諸王公主次文職武職以宦官
女子方外終篇與承祚之三國彥鸞之十六國任臣
之十國先後部署略從同焉惟代祖一傳則從五代
史並以之冠首焉

一是編仿通鑑紀曹魏諸君之法帝與后稱殂不稱崩
王與妃夫人稱薨諸王亦稱薨

南漢春秋

卷之一 凡例

二

一是編古蹟事蹟中間有以古今詩文及自作叙後者
蓋因目之所覩足之所至一時適興隨筆而載初未
究作者之年代亦未計自作之工拙閱者尚希諒焉
一是編以春秋名書者墨子云吾見百國春秋是春秋
古史名也前此有楚漢春秋魏氏春秋崔彥鸞十六
國春秋近有吳任臣十國春秋今則仿之繫以春秋
名若云孔子嘗修魯國春秋矣麟何人斯又安敢上
擬聖人筆削而甘蹈僭亂之罪哉

一是編采取羣書數百種初時原欲逐段標記出某書

及閱時既久所采之書叢雜不復記憶某事出某書
某段據某書又難從新搜羅姑聽授梓閱者幸毋以
指引無徵責焉

劉應麟識

南漢春秋

卷之一 凡例

三

南漢春秋總目

世家

本紀

后妃美人列傳

諸王公主列傳

文職列傳

武職列傳

宦官列傳

仙釋列傳

南漢春秋

總目

女子列傳

紀元

地理

著述藝文

古蹟

事蹟

一

南漢春秋卷之一目錄

世家

代祖世家

烈宗世家

本紀

高祖本紀

殤帝本紀

中宗本紀

後主本紀

南漢春秋

卷之一目錄

二

南漢春秋卷之一

番禺劉應麟王書甫編輯

男龍能准華甫校字

世家

代祖世家

代祖劉謙父安仁上蔡人也後徙閩中南於南海因家焉謙少爲廣州牙將值韋宙出鎮南海見謙氣宇殊異以從女妻之曰此非常流也他日吾子孫或可依之唐乾符五年黃巢攻破廣州去略湖湘間廣州表謙爲封

南漢春秋

卷之一

一

州刺史賀江鎮遏使以禦梧桂以西歲餘有兵萬人戰艦百餘艘生三子曰隱台嚴至唐昭宗乾寧元年甲寅十二月卒以其子隱爲封州刺史乾亨元年追尊曰代祖聖武皇帝

烈宗世家

烈宗名隱代祖謙嫡長子也謙既卒賀江士民百餘人謀亂時隱在喪中一夕盡誅之嶺南節度使劉崇龜召補右都押牙兼賀水鎮使未幾表封州刺史唐昭宗乾寧三年丙辰節度使劉崇龜死嗣薛王知柔代爲帥行

至湖南廣州將盧瑑譚宏玘一作覃玘作亂知柔不敢

進而瑑玘出守端州深結隱許妻以女隱陽許之詭言

親迎遂以封州兵攻殺瑑玘迎知柔知柔辟爲清海行

軍司馬光化元年冬十二月韶州刺史曾衮與廣州將

王懷合謀攻廣州隱一戰破之韶州將劉潼復據滇洽

隱以部下兵殲焉唐以太保門下侍郎徐彥若代知柔

表隱節度副使委以軍政唐昭宗天復元年辛酉冬十

二月彥若卒表薦隱權留後天佑元年甲子冬十二月

唐命兵部尚書崔遠爲清海軍節度使遠至江陵開嶺

南漢春秋

卷之一

二

南多盜且畏隱不受代不時至隱乃遣使者入朝賂梁王朱全忠以自固全忠乃奏隱爲清海軍節度使隱是年以佛哲國訶陵國羅越國所貢香藥進于唐二年唐加隱同平章事後二年梁王全忠改名晃稱皇帝改元開平初隱屢上書勸進至是以擁戴功夏五月加隱檢校太尉兼侍中封大彭王是月梁詔改潘州茂名縣爲越裳縣冬十月獻助軍錢二十萬於梁又進龍腦腰帶珍珠枕玳瑁器百餘副他物稱是是歲靜海節度使曲裕卒梁以裕子行營司馬權知留後顯起復爲安南鄣

護充節度使梁開平二年戊辰冬十月梁命膳部郎中趙光裔右補闕李殷衡充官詔使詔王爲清海靜海等軍節度使安南都護王留光裔殷衡不遣三年己巳夏四月梁加王檢校太師兼中書令封南平王四年庚午春二月王命弟巖帥兵攻高州防禦使劉昌魯拒之兵敗又移攻容州寧遠節度使龐巨昭拒之亦不克是歲三州皆入於楚夏四月梁進封爲南海王王父子起家封州遭世多故數有功於嶺南遂有南海王復好賢士是時天下已亂中朝人士以嶺外寫遠可以辟地多游

南漢春秋

卷之一

三

焉唐世名臣謫死南方者往往有子孫或當時仕宦遭亂不得還者皆客嶺表王定保倪曙劉濬周傑楊洞潛之徒王皆以禮招之定保容管巡官曙唐太常博士濬崇望之子以避亂往傑善星歷爲唐司農少卿亦因避亂至王數問災變傑恥以星術事人嘗稱病不起王亦容之洞潛初爲邕管巡官秩滿客南海王嘗師事之後以爲節度副使及高祖卽位爲陳吉山禮法制度國因而致治皆用此數人焉梁乾化元年辛未春三月王病亟表其弟清海軍節度副使巖權知留後遂薨年三十

八謚曰襄至乾亨元年追尊曰襄皇帝廟號烈宗陵曰德陵

應麟論曰烈宗在喪中能一夕盡誅亂民其志量已大有過人者何俟殺琚玘破曾衮殲劉潼然後見其英勇哉況又賓賢禮士人爭効用共啟霸圖抑亦可謂開國之雄矣奈何後起無人卒符兔絲吞骨蓋海承劉之識豈非天哉創業難守成不易其斯之謂歟

本紀

南漢春秋

卷之一

四

高祖本紀

高祖名龔原名巖代祖謙庶子其母段氏生于外舍武皇后素妬聞之怒拔劍而出命持至將殺之及見而悸劍輟墮地良久曰此非常兒也遂止後三日卒殺段氏養爲己子及長善騎射身長七尺垂手過膝烈宗爲行軍司馬巖亦辟薛王府諮議叅軍已而更名曰陟烈宗兼兩鎮節度使亦表爲副使是時交州曲顥桂州劉士政邕州葉廣略容州龐巨昭分據諸管盧光稠據虔州自爲刺史以攻嶺上其弟光睦據潮州子延昌據正州

高州刺史劉昌魯新州刺史劉潛及江東七十餘寨皆不能制烈宗攻韶州陟曰韶州所賴者光稠擊之虔人必應應則首尾受敵此不宜直攻而可以計取烈宗不聽合北江水漲餽運不繼而光稠果引兵自虔來其將譚全播伏精兵萬人山谷間掉戰烈宗縱驅伏發遂大敗於城南僅以身免而歸因盡以兵事付之使平諸寨至烈宗彌留之際陟遂奉遺命權知清海軍留後時乾化元年三月也夏五月梁以陟爲清海軍節度使陟復名巖巖多延中國人士於幕府出爲刺史由是刺史無

南漢春秋

卷之一

五

武人冬十一月廣州獲白鹿巖圖形獻於梁耳有兩缺十二月巖聞虔州譚全播病發兵攻韶州破之刺史廖爽出奔楚又西與馬殷爭容桂殷取桂管虜士政嚴取容管及高州逐巨昭並殺昌魯又取邕管是歲閩遣員外郎崔致祭於我烈宗乾化二年壬申夏四月梁以我兵與楚相攻遣右散騎常侍韋戢等爲潭廣和叶使復加巖檢校太保同平章事巖遂遣使貢金銀犀角象牙寶貨名香等物於梁價凡數十萬梁命客省引進使韋堅報之堅還復以銀茶等上獻估値合五百餘萬三年

南漢春秋

卷之一

六

癸酉梁加巖檢校太傅末帝卽位悉以隱官爵授巖封南平王冬十月求楚王女爲婚楚王殷許之乾化四年甲戌春二月遣供軍巡官陳用拙如吳越時鬱林州寶圭洞迎玉宸道君及葛真人石像於南海置之石室正明元年乙亥秋八月如楚逆婦楚使承順節度使王弟存送之冬十二月王以吳越王錢鏐爲國王而已獨爲南平王表求封南越王不許謂僚屬曰今中國紛紛孰爲天子安能梯航萬里遠事僞朝乎由是貢使遂絕正明三年丁丑秋八月王卽皇帝位國號大越改元乾亨以廣州爲興王府追尊安仁曰太祖文皇帝謙曰代祖聖武皇帝隱曰烈宗襄皇帝立三廟置百官遣客省使劉塘於吳告卽位且勸吳王稱帝以楊洞潛爲兵部侍郎節度使官李殷衡禮部侍郎倪曙工部侍郎尚書左丞趙光裔兵部尚書皆平章事是歲閩王爲其子延鈞求娶婦帝以女清遠公主嫁閩鑄乾亨重寶錢建玉堂珠殿二年戊寅祀天南郊大赦境內改國號漢是時以國用不足又鑄鉛錢十當制錢之一三年己卯册越國夫人馬氏爲皇后馬氏楚王殷女也秋九月梁削南

平王官爵檄吳越兵來討吳越王受命不行四年庚辰
春從兵部侍郎楊洞潛之請始立學校置選部貢舉放
進士明經十餘人如唐故事歲以爲常大德殿成著作
郎陳光入獻賦賜珠數斤六年壬午製平頂冠八年甲
申作南宮王定保獻南宮七奇賦以美之九年乙酉唐
莊宗入汴帝懼遣使入詢中國還言唐必亂帝喜遂與
唐絕又性好畋大嶺北商賈至南海者多召之使陞宮
殿示以珠玉之富自言家本咸秦恥王蠻夷呼唐天子
爲洛州刺史長和國驃信鄭旻遣使來致朱紫白馬以

南漢春秋

卷之一

七

求婚使者自稱皇親母弟封歸仁慶侯食邑一千戶持
節鄭昭淳好學有文辭帝與游燕賦詩帝及羣臣皆不
能逮遂以烈宗女增城公主妻焉是年白龍見南宮三
清殿因改元白龍元年乙酉又更名龔以應龍見之祥
至晉天福六年辛丑有胡僧謂龔字不利言識書滅劉
氏者龔也帝乃採周易飛龍在天之義爲龔字音儼以
名焉亦猶武后之作曌字也四年戊子楚以舟師攻我
封州帝懼以周易筮得大有遂赦境內改元大有遣左
右街使蘇章救之楚人大敗遂遷章爲封州團練使大

有三年庚寅遣將李守鄺梁克正等攻交州克之執靜
海節度使曲承美以其將李進守之克正又攻占城掠
其寶貨而歸四年辛卯愛州楊廷藝叛攻交州刺史李
進逖歸帝遣承旨程寶攻廷藝寶戰死五年壬辰封子
耀樞等十九人爲王七年甲午皇后馬氏殂九年丙申
遣將軍孫德成攻蒙州不克十年丁酉使子萬王洪操
攻交州洪操戰死帝收餘衆而還十五年壬寅三月帝
殂年五十四諡曰天皇帝廟號高祖陵曰康陵陵在
興王府城東二十里之漫山陵中以鐵錮之不可啟子

南漢春秋

卷之一

八

玢立

殤帝本紀

殤帝名玢初名洪度小字壽高祖第三子也原封秦王
生母趙昭儀素無寵是時兄耀樞龜圖皆早卒帝次當
立高祖臥病寢中召右僕射兼西院使王翻與語欲改
立洪昌因蕭益奏言遂止由是帝得立更今名改元曰
光天尊母趙昭儀爲皇太妃以晉王洪熙輔政初高祖
命帝募宿衛兵千人皆市井無賴帝昵之楊洞潛諫曰
秦王國之家嫡宜親端士使之治軍已過矣况昵羣小

乎高祖不聽洞潛出見衛士掠商人金帛商人不敢訴
嘆曰政亂如此安用宰相因謝病歸久之卒帝立果不
任事高祖在殯召伶人作樂飲酒宮中裸男女以爲樂
或衣墨縗與倡女夜行出入民家由是山海間盜賊競
起妖人張遇賢自稱中天八國王攻陷循州帝遣越王
洪昌循王洪杲攻之遇賢圍洪昌等於錢帛館裨將萬
景忻陳道庠力戰挾二王潰圍而走帝莫能省嶺東皆
亂左右忤意輒死無敢諫者惟越王洪昌內常侍吳懷
恩屢諫不聽而晉王洪熙日益進聲伎誘帝爲荒恣帝

南漢春秋

卷之一

九

亦頗疑諸弟圖已敕宦官守宮門入者皆露索第酷好
手搏洪熙陰遣陳道庠養士劉思潮等五人習角觝以
獻帝與諸王宴而觀之至夕醉起道庠與思潮等同掖
因拉殺之盡殺其左右帝立二年二十四諡曰殤弟
晟立

中宗本紀

中宗名晟初名洪熙小字雋封晉王既弑殤帝自立明
且百官諸王莫敢入宮越王洪昌乃帥諸弟臨於寢殿
迎洪熙卽位改元曰應乾更今名以洪昌爲太尉兼中

書令諸道兵馬都元帥知政事循王洪杲副元帥叅預
政事陳道庠劉思潮等封功臣賞賚有差帝既弑兄立
不順懼衆不服乃益峻刑法以威衆已而洪杲屢請討
賊陰勸誅思潮等以止外議帝大怒使使者夜召洪杲
至殺之七月指揮使萬景忻敗張遇賢於循州遇賢踰
嶺而北冬祀天南郊改元曰乾和羣臣上尊號曰大聖
文武大明至道大光孝皇帝二年甲辰遣盜殺越王洪
昌帝自殺杲昌後由是與諸弟有隙又酖殺鎮王洪澤
諸弟遂相次見殺三年乙巳殺其弟韶王洪雅又殺劉

南漢春秋

卷之一

十

思潮等五人思潮等死陳道庠不自安其友鄧伸以荀
悅漢紀遺之道庠莫能曉伸罵曰戮療韓信誅而彭越
醢皆在此書矣道庠悟益懼帝聞之大怒以道庠伸下
獄皆斬于市夷其族五年丁未帝弟齊王洪弼貴王洪
道定王洪益辨王洪濟同王洪簡益王洪建息王洪暉
宜王洪照同日皆見殺六年戊申遣工部郎中知制誥
鍾允章聘楚以求婚楚不許允章還帝曰馬公復能經
略南土乎是時馬希廣新立希萇起兵武陵湖南大亂
允章具言楚可攻之狀帝乃遣巨象使吳珣內侍使吳